

楊忠烈大洪書

明 傅振商 邑人

敘懷益增慨歎數列罪疏令闕豎膽悸頌溢

同榜生色弟緣撫賴命速不能少留別後懸


懸兩月抵賴署中有陽明題抑抑堂並手書抑詩

想其時宸濠作逆變自外生一朝撲滅今好在君

側患由中發未易湔除賴年丈中流砥柱豈但遠

邁王新建直比芳於伊周矣聞邸報知歸里幸爲

蒼生注念勿倦戀東山也趙老師已致祭道祭樂



2011/3 25/69

意羽便時惠德音以慰願望

洪洞楊公永思碑記

國朝河東瑞信楊

汝陽廼天中首邑煩劇衝疲素稱焉頻年流土交
訐情形變更如轉環官司去就等凡庶縣之事多
半委之細吏甚而竟有以武弁代者向緣時事頓
異地方胥靡是以民計日困民生愈蹙汝人之目
不瞻慈母口不頌神君者五載我

朝定鼎之二禩汝南宥在德服盡歸版籍首簡其令
吾邑者惟公克此任公嘗初起東山憂先天繁繁

內之事早已預籌於胸中奚止一汝但就今

籌於汝者而其所以籌海內者從可知矣公甫下車邑以內邑以外周覽詳記必議諸兩庠咨之父老而後斟酌權變漸次區畫焉先是城內房屋焚燬道路荆榛公榜示鎮店多方招徠流亡者復業二千餘姓於今室有堵行有塗矣因慮邑有貿於市而無耕於野者非久長之道也廼率里耆親歷各村寨踏勘荒熟先得熟田一百五十餘頃繼而

奉文編審勸諭鼓舞盡力墾墾又得熟田三百餘
頃開田有數而徵餉有額除拋荒蠲免外應徵者
無多舊有大戶收解公痛念苦累難支嚴革火耗
令書役徵收花戶白封投櫃解納俱遣官差此錢
糧之擾旣清而驛遞之苦公尤其急蘇者汝南接
荆襄北連燕晉凡往過臺司緊急公移供應時不
停晷自經兵荒郵傳久廢公多方設處馬驢復令
公役喂養此急公而不病民之法也至於嚴察弊

甲以清境內之奸獲賊首李進朝而餘孽潛踪擄
練快役以固城池之防則營頭盡爲解散而無煩
召募嗣是於政之暇廼進生童而談經論文邑蠶
遭兵燹日圯公目之心傷殫力辦處鳩工修葺經
越月而廼告成舊有校士館傾壞久矣公又於察
院傍無用官舍重修以踵前轍立天中名社召集
多士每月三課錄其尤者呈學臺獎勵之以振鬢
昔摧折之氣鄰邑士子景時雨咸臻者數數貢矣

大比生童養芥糴公捐俸相助時而入穀者
公所拔名下士其造就人材也有如斯公猶曰文
事修而武備尤不可緩軍器火炮邑故有之今日
無存矣公又捐俸命工造鎗刀銃砲百五十餘件
火藥千餘觔散給四城以備緩急且秉性澹泊食
無兼味水薪俱若市價行戶並無賠累至那鹽行
以克門丁之餉禁刁訟以去紙贖之罰汰冗役以
清衙舍禁佐貳而勿擅民詞皆公之斟酌權變漸

天區畫所必至也不佞嘗讀
生書而知公潛心理學留意
題堂聯有云持已無他長勤
公正廉明於以見公有遠養
時雨清風一事而善數十事
年之福壽云心乎愛矣遐不
忘之汝人於公之謂也

韓忠定薛文清二先
經濟皆本諸此見自
慎和緩臨民有大體
有遠識其與士民若
之用一年而裕數百
謂矣中心藏之何日

重建汝寧府城樓碑記

國朝金鎮

汝南郡城建自明洪武初啟東西南三門尋拓而大之增闢北門正德間太守畢君昭始甃以甃石明末寇訐中州崇正壬午城陷大肆屠燔毀城樓垣堞而去城以內幾成邱墟我

朝定鼎二三殘黎稍葺茅以居生聚未繁前守諸君雖殫力撫綏而闐闐之間尚多廢廬也余以順治戊戌秋九月來守是邦方驅車抵北郊

遙矚城上樓櫓蕩然無存輒慨然歎曰此非古
豫州地漢晉以還戰爭靡息且近經巨寇蹂躪
二十餘年今賴天下底定疆宇敕寧然而壤接
荆吳草竊易生設有不虞將何以爲守乎謁廟
受事後卽圖修建因念物力凋殘未敢驟舉迨
庚子冬光商之間奸徒揭竿猖亂羽檄交馳余
躬率丁壯士民登陴修守禦具泊乎事平凡閱
旬餘而時方沍寒人皆露立城頭霜風掠面水

雪侵膚月夜戒嚴不遑啟處是知城之有樓非徒以崇結構壯觀瞻實爲捍患禦暴之攸資余向者之言殆非過計也乃會集寮屬登城相度復周視四城東南一帶雉堞傾圯者約三十餘丈亟削草繕詳白當事請自捐俸金以爲之倡而別駕鄭君司李張君欣然胥助所屬州縣諸君亦各捐金有差爰命幕官分董厥役鳩工庀材經始於辛丑之秋九月顧需材木不訾而汝

河自經淤塞商賈不通境內所產木植率多倚
桐不中榱題構櫨之用會有廢藩遺房變價者
遂爲按籍納價以故材木充用若夫工匠徒庸
不以簿書期會惟募自民間考其工程計日給
值蓋是年夏秋之交亢暘累月田禾不登閭井
小民多有菜色皆相將而來樂於趨役以故力
作衆多其他陶甓堊黝之屬亦悉經營咸備於
是輦壤甃石操斤執畚揀度共作警鼓弗勝各

門建大樓一月城建敵樓一惟取樸堅不施華
彩而雉堞之圯壞者復爲分工漸次修築至康
熙改元壬寅春三月而工遂落成焉夫古者建
邦立國誠言在德不在險矣然王公設險守國
易訓昭垂月令孟秋之月必修城郭謂非保民
先務哉汝自攫寇難民舍灰燼城郭不完倘守
衛無備有守七責者尚可泄泄爲處堂之燕雀
乎昔趙清獻公之知越州也因歲歉僦民修城

四千一百人爲工五萬八千計其傭與粟再倍之旣以固圉兼得救荒史冊侈爲美談余之是舉皆費出於官不動民財而更令饑黎僦工不煩民力然何敢效顰前哲自爲夸張亦云勉盡厥職知先務而已故詳記其始末云

燕郡伯修天中書院文

劉元琬

康熙癸亥歲黔逆滅海氛平琉球暹羅來貢者三十餘國

聖天子方偃武修文崇儒重道與天下觀太平之盛一時公卿大夫莫不相爲鼓舞以希雅化我

鄉伯熊太公祖漢上名閥也家學相仍與鍾陵先生昆仲濟美文章經濟妙天下其於兼洛姓學身體力行未嘗不須臾佩服也歷任名邦所在

著聲美政洋溢難更僕數尤以培植斯文爲已
任及遷守汝南甫及下車值兵興旁午尋復饑
饉游臻公惟鎮之以靜節躬省費肅清法紀汰
冗役禁濫差以裕州縣日措餉賑饑平反獄訟
剛者不吐柔者不茹民依以安見黌宮麗譙頽
廢謀次第修舉卽捐俸先事文廟奕然改觀又
念士習波靡起衰是棘乃相地北郊三里許闢
嶺自上蔡來者盤結爲平原曠野南對郡城故

水環繞滌洞昔年孔邇之化猶有存者乎
鴨池一帶長堤橫亘厥而西眺雒峯東撫淮甸
最佳地也公曰善於是高下景瞻步定基址鳩
工庀材工尚未竣適華亭

王太公祖撫豫加意講學衛道重儒與公相劬公
益恢宏整繕前闢大門三楹中建講堂後爲文
昌樓樓前對起長廂一十八間各界戶牖西北
隅書齋三楹東北隅庖室三楹堂中受二程夫